

Ո Ր Ո Շ ՈՒ Մ


Վարչական իրավախախտման գործով գանգատն առանց բավարարման, իսկ որոշումն անփոփոխ թողնելու մասին

06.12.2017թ.

ք.Երևան

Ճանապարհային ոստիկանության պետ, ոստիկանության գնդապետ Եզոր
Կարապետյան, վերանայելով Տիգրան Խաչատրյանի դիմումի շուրջ ստեղծված
նյութերը՝

Պ Ա Ր Ձ Ե Ց Ի



2017թ. նոյեմբերի 6-ին Երևան քաղաքի Վարդանանց փողոցի 28 շենքի 107 բնակարանի բնակիչ Տ.Խաչատրյանը դիմել է այն մասին, որ ճանապարհային ոստիկանության տեսուչը իր նկատմամբ կազմվել է վարչական իրավախախտման վերաբերյալ արձանագրություն՝ անվտանգության գոտիով չամրակապված ուղևոր տեղափոխելու վերաբերյալ: Դիմումատուին հայտնել է, որ ուղևորը հղի է և տանում է ծանր հղիություն: Տ.Խաչատրյանը խնդրել է վերանայել վարչական տույժ նշանակելու մասին ԱԴ 359766 որոշումը:

Դիմումի ուսումնասիրությամբ պարզվել է, որ 2017թ. հոկտեմբերի 10-ին, ժամը 12:20-ին Երևան քաղաքի Ամիրյան փողոցում Տ.Խաչատրյանի կողմից վարած «ԲՄՎ» մակնիշի 35 AM 978 հաշվառման համարանիշի ավտոմոբիլը կանգնեցվել է ճանապարհային ոստիկանության ճՊԾ 1-ին սպայական գումարտակի 5-րդ սպայական դասակի ավագ տեսուչ, ոստիկանության ավագ լեյտենանտ Կ.Հակոբյանի և նույն դասակի տեսուչ, ոստիկանության լեյտենանտ Գ.Սահակյանի կողմից ճԵԱԱՄՕ-ի խախտման համար, այն է՝ վարորդը փոխադրել է անվտանգության գոտիով չամրակապված ուղևոր: Վարորդի նկատմամբ կազմվել է վարչական իրավախախտման վերաբերյալ արձանագրություն և, ՀՀ ՎԻՎ օր-ի 123.3-րդ հոդվածի համաձայն, կայացվել ԱԴ 359766 որոշումը՝ վերջինիս 5.000 ՀՀ դրամ տուգանելու մասին:

Ըստ ծառայողների գրավոր բացատրությունների՝ նշված իրավախախտումն եղել է ակնհայտ, իրենց համար պարզ տեսանելի, քանի որ նշված ավտոմոբիլը երթևեկել է իրենց հանդիպակաց, որի առջևի հողմապակին եղել է թափանցիկ: Սահմանված կարգով, Տ.Խաչատրյանի կողմից վարած «ԲՄՎ» մակնիշի 35 AM 978 հաշվառման համարանիշի ավտոմոբիլը կանգնեցնելուց հետո, Կ.Հակոբյանը մոտեցել է վարորդին, ներկայացել, պարզաբանել իրավախախտման բնույթը, պահանջել փաստաթղթերը, և վերջինիս նկատմամբ կազմել վարչական իրավախախտման վերաբերյալ արձանագրություն: Վարորդը ծանոթացել է կազմված արձանագրությանը, իրեն հատկացված տեղում գրավոր հայտնել իր անհամաձայնության մասին, ստորագրել այն, այնուհետև ստորագրել և տեղում ստացել է որոշման պատճենը:

2017թ. դեկտեմբերի 1-ին հեռախոսակապի միջոցով, իր դիմումի քննարկմանը մասնակցելու նպատակով, քաղաքացի Տ.Խաչատրյանը հրավիրվել է ճանապարհային ոստիկանության ճՊԾ բաժին, սակայն վերջինս հայտնել է, որ դիմումին ավելացնելու ոչինչ չունի, խնդրել է քննարկել և արդյունքների մասին տալ գրավոր պատասխան:

<<Ճանապարհային երթևեկության անվտանգության ապահովման մասին>> ՀՀ օրենքի 17-րդ հոդվածի համաձայն՝ ճանապարհային երթևեկությունը կարգավորող ոստիկանության ծառայողը պարտավոր է կանգնեցնել տրանսպորտային միջոցը, եթե ակնհայտ կամ տեխնիկական միջոցների օգտագործմամբ երևում է, որ վարորդը խախտել է

17-2-33947
13 12 17

...այսին երթևեկության կանոնների պահանջները: Նույն հոդվածի 8-րդ մասի համաձայն՝ երթևեկության սահմանված արագության գերազանցման և տրանսպորտային միջոցների ապակիների լուսաթափանցելիության սահմանված չափի խախտումների համար պատասխանատվություն է առաջանում, երբ տվյալ խախտումը փաստարկված է համապատասխան տեխնիկական միջոցների կիրառմամբ:

Այսպիսով, կատարված ուսումնասիրություններով պարզվել է, որ Տ.Խաչատրյանի արարքում առկա է Վարչական իրավախախտումների վերաբերյալ ՀՀ օրենսգրքի 123.3 հոդվածով նախատեսված դեպքը, ուստի ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1.Տիգրան Խաչատրյանի դիմումը թողնել առանց բավարարման, իսկ ճանապարհային ոստիկանության ՃՊԾ 1-ին սպայական գումարտակի 5-րդ սպայական դասակի ավագ տեսուչ, ոստիկանության ավագ լեյտենանտ Կ.Հակոբյանի կողմից կազմված վարչական իրավախախտման արձանագրության հիման վրա 2017թ. հոկտեմբերի 21-ին կայացված ԱԴ 359766 որոշումը՝ Տիգրան Խաչատրյանին հինգ հազար դրամ տուգանելու մասին՝ անփոփոխ:

2.Սույն որոշման օրինակներն ուղարկել ճանապարհային ոստիկանության ՎԳ բաժանմունք և դիմումատուին:

3.Սույն որոշումը կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:



Ե.Կարապետյան